



তথ্যবিবরণী

নম্বর-২৪২

বিভাগীয় উভাবনী মেলার সমাপনী ও পুরস্কার বিতরণী অনুষ্ঠিত

রাজশাহী; ২৫ বৈশাখ (০৮ মে):

আজ সোমবার (৮ মে) বিকালে রাজশাহীতে দুই দিনব্যাপী বিভাগীয় উভাবনী মেলা ২০২৩ এর সমাপনী ও পুরস্কার বিতরণী অনুষ্ঠিত হয়। রাজশাহী কলেজ অডিটোরিয়ামে অনুষ্ঠিত মেলার সমাপনী অনুষ্ঠানে প্রধান অতিথি হিসেবে উপস্থিত ছিলেন জনপ্রশাসন মন্ত্রণালয়ের অতিরিক্ত সচিব আমেনা বেগম।

অনুষ্ঠানে প্রধান অতিথি বলেন, উভাবনী মেলায় গত দুই দিন ধরে আমরা উভাবকদের বিভিন্ন ধরনের ভাবনাগুলোকে দেখেছি। এখন আমাদের কাজ হলো- কীভাবে এগুলো কাজে লাগিয়ে জনগণের সেবা সহজীকরণ করা যায় তা বাস্তবায়ন করা। এখান থেকে যদি কোনো ভাবনা নিয়ে জাতীয় পর্যায়ে কাজ করা যায় সেগুলো নিয়ে কাজ করা।

আমেনা বেগম বলেন, গ্রামের তুলনায় শহরের মানুষ সকল ক্ষেত্রে বেশি সুবিধা ভোগ করে। তাই আমরা চেষ্টা করছি সকল জায়গার মানুষ যেন একই সুবিধা ভোগ করে। তিনি বলেন, এ দেশে সেদিন সোনার বাংলা হবে, যেদিন সকল মানুষ সমভাবে সুবিধা পাবে। প্রধানমন্ত্রী শেখ হাসিনা সেই লক্ষ্য নিয়ে কাজ করছেন বলে তিনি জানান।

অতিরিক্ত বিভাগীয় কমিশনার ড. মোঃ মোকছেদ আলীর সভাপতিত্বে বিশেষ অতিথি হিসেবে বক্তৃতা করেন রাজশাহী রেঞ্জের অতিরিক্ত ডিআইজি মোঃ সাইফুল ইসলাম। অন্যান্যের মধ্যে উপস্থিত ছিলেন আরএমপি'র অতিরিক্ত পুলিশ কমিশনার মোঃ ফারুক হোসেন, জেলা প্রশাসক শামীম আহমেদ, রাজশাহী কলেজের অধ্যক্ষ প্রফেসর মোহাম্মদ আব্দুল খালেক। অনুষ্ঠানে বিভিন্ন সরকারি-বেসরকারি দণ্ডের কর্মকর্তা-কর্মচারী, বিভিন্ন শিক্ষাপ্রতিষ্ঠানের শিক্ষক-শিক্ষার্থী, প্রিন্ট ও ইলেক্ট্রনিক মিডিয়ার সাংবাদিকবৃন্দসহ নানা শ্রেণি-পেশার মানুষ উপস্থিত ছিলেন।

উল্লেখ্য যে, এবারের উভাবনী মেলায় রাজশাহী বিভাগের ৮ জেলার বিভিন্ন সরকারি দণ্ডের সেরা ২৫টি উভাবন প্রদর্শনের জন্য ২৫টি স্টল স্থান পায়। এর মধ্যে থেকে সেরা ৩টি স্টলকে প্রথম, দ্বিতীয় ও তৃতীয় সেরার পুরস্কার ও সনদ প্রদান করা হয়। ট্রান্সফর্মার চুরি প্রতিরোধ ব্যবস্থা উভাবনের জন্য প্রথম পুরস্কার লাভ করে পাবনা পল্লী বিদ্যুৎ সমিতি-১, পাঠচক্র উভাবনী উদ্যোগের জন্য দ্বিতীয় সেরার পুরস্কার লাভ করে সিরাজগঞ্জের কামারখন্দ উপজেলা নির্বাহী অফিসারের কার্যালয় এবং লোকাল গভর্নমেন্ট অ্যাওয়ার্ড: চাঁপাইনবাবগঞ্জে অন্তর্ভুক্তিমূলক উন্নয়ন প্রচেষ্টায় এক নতুন ধারার সূচনা করার জন্য তৃতীয় হওয়ার গৌরব অর্জন করে চাঁপাইনবাবগঞ্জ জেলা প্রশাসকের কার্যালয়।

.....
তৌহিদ/সিকান্দার/রহমত/২০২৩/১৪.৩০৪.